

جریدہ علیہ

مشيخت جليله اسلاميه نك جريدہ رسميه بيدر

ذی القعدہ سنہ ۱۳۴۰

عدد ۷۷، ۷۶

شمديلك آيدہ بر نشر اولنور

برنجی سنہ

وصیت

زید مرض موتنده جمله مالی وارثی اولیان فقرایه وصیت ایتد کدنصره زید فوت اولسه ورثه سی ئامدن زیاده ده طو تمامغه قادر اولورلرمی الجواب اولورلر .

کاتبه الفقیر طرسوسی زاده
محمد نوری مدنی
عفی عنهما

اجوبه شرعیه

امینه مهرلی ۱ محرم ۳۴۰ تاریخنده فتواخانهیه بالورود: دیار آخرده وفات ایدن بر کیمسه نك دیار مذ کورده بولنان صغیر و صغیره اولادینه زوجہ سی هندك عن الغیاب وصیه نصب اولنوب اولنه میه جغنه دائر واقع اولان استفتایه جوابدر .
§ مآلنه نظر احاده ده صلاحیتدار اولان قاضی مناسب کوره جکی کیمسه یی صغاره وصی تعیین ایدر
جمادی الآخر ۳۴۰

* *

احمد مختار امضالی ۴ جمادی الآخر ۳۴۰ تاریخنده فتواخانهیه بالورود: زید وقفه متفقاً یاخود اقل اکثره تابع اولمق شرطیه ایهای تولیت ایتك اوزره متولی نصب وتعیین ایلدیکی عمرو و بکر و محمد واحمددن یالکیز عمرو علیهنده وقف مذ کوره اضافتله عبدالله طرفندن اقامه اولنان دعوی ایله توجیه خصومت اولنوب اولنه میه جغنه دائر واقع اولان استفتایه جوابدر .

§ مآلنه نظراً وقف مذ کورک متولیلرندن یالکیز برینك مواجهه سنده بر نهج شرعی دعوی واقامت بینه ایدیلورسه وقف علیهنده حکم صحیحدر . ۲۷ جمادی الآخر ۳۴۰

* *

شکری امضالی ۱۳ جمادی الآخر ۳۴۰ تاریخنده فتواخانهیه بالورود: قاسم پاشاده سنان پاشا جامع شریفنده طریقت قادریه اصولی اوزره آیین اجرایی جائز اولوب اولمدیغنه دائر واقع اولان استفتایه جوابدر .

§ مآله نظراً من القديم جوامع ومساجد شریفه اولان محللرده آیین طریقت اجرایی
کی حالاته مساع شرعی یوقدر . ۱۴ رجب ۳۴۰

* *

اسماعیل حق امضالی ۱۲ کانون اول ۳۳۸ تاریخنده فتواخانه به بالورود، شمندوفر و واپور
وطیاره وامالی ما کنه ایله متحرک وسیر سرعته مالک مراکب بریه و بحریه و هوائییه دم
سیر ایدن زید مسلم قصر صلاة ایچون نقدر مسافه سیر ایلسی لازم اوله جفته دائر واقع
اولان استفتایه جوابدر .

§ مآله نظراً مع الاستراحه سیر وسفر ایله اوچ کونلک مسافه مقداری محل قطع
اولنور ایسه مسافه ، مسافه سفرعد و اعتبار اولنور . ۲۷ جمادی الآخر ۳۴۰

* *

عبدالکریم امضالی ۱۲ شباط ۳۳۸ تاریخنده فتواخانه به بالورود ، بلاد اجنیه ده کی
اهالی اسلامیه تابع اولدقلری حکومت نصرانیه طرفندن اموال منقوله و غیر منقوله لرینه
مقطوعاً طرح اولنان ویرکوکینی ویردکلری حالده آیروجه عشر وزکاة ویرملری لازم
کلوب کلیه جکنه دائر واقع اولان استفتایه جوابدر .

§ مآله نظراً آیروجه بتکرار عشر ویرمک لازم دکلسه ده اموالک زکاتی ویرمک
لازم اولور . ۲۷ جمادی الآخر ۳۴۰

* *

قاسم امضالی ۱۳ شباط ۳۳۸ تاریخنده فتواخانه به بالورود ، تحت وصایتده ایکن
وصایتی رفع اولنان هندک وصی منصوبی زید مزبورده نک سفاهتی و محتاج وصی ایدوکفی
بالتواتر اثبات ایتدکده رفع وصایتد نصکره کی تصرفات قولیه سی شرعاً معتبر اولوب اولیه جفته
دائر واقع اولان استفتایه جوابدر .

§ مآله نظراً هند مزبورده نک بتکرار تحت حجزه آلتنجهیه دکن تصرفاتی معتبره در
اولبابده . ۲۸ جمادی الآخر ۳۴۰

* *

ارمنی ملتندن اولان پدر ووالده سنك وفاتند نصكره بيكس قالان زید هند مسلمەنك
زودنده اهتدا ودين اسلامی قبول ایدوب اولوجهله تذکره عثمانیه سنی دخی آلدقد نصكره
یگریمی یاشنده رشیده بولنان برمسلمه ایله تزوجه قادر اولوب اوله میه جغه دائر واقع اولان
استفتایه جوابدر .

§ مآله نظرآ زید مهتدی مسلم اولمغله زینب مسلمه بی تزوجه مانع شرعی بولمادیغی
تقدیرده رضاء طرفینله وجه شرعی اوزره تزوج ایتمی جائز اولور اولاباده
۲۳ جمادی الآخر ۳۴۰

* * *

عطا امضالی ۷ شوال سنه ۳۴۰ تاریخنده فتواخانه یه بالوروده رمضان شریفك اوتوزنجی
کونی اوکله دن صكره هلال شوالی کوروبده بایرام ظنیله افطار ایدنلره شرعانه لازم کله جکته
دائر واقع اولان استفتایه جوابدر .
§ مآله نظرا بوجه محرر افطار ایدنلره یالکیز قضا لازم کلیر .

۱۰ شوال ۳۴۰



« مقررات نقضیه »

برهانیه قاضیلکینك ۱۳ رمضان ۳۳۸ تاریخی اعلانك اسباب نقضیه سی
اعلام مذکوره دعوی وشهادتده ملتقانك باباسنك اسمنك ذکرینه ومدعی علیهما
عن بورتانك ذاتلری حین تحلیفده تعریف ایدلدیکنه تعرض اولنماقله برابر صورت یمین
دخی نقصان ایدوکندن سبکی مختل اولمغین بو صورتده خصوص مذکورك ینه محکمه
مذکوره ده اعاده محاکمه سی ضمننده محلنه اعاده سی اقتضا ایدر .

* * *

بالیکسری قاضیلکینك ۶ شعبان ۳۳۸ تاریخی اعلانك اسباب نقضیه سی
اعلام مذکوره مدعی مدیر مومی الیهك خصوصتی رأی اولندیغنه تعرض اولمادیغی
کبی حادثه ده مبلغ مدعا بهك قرض ویا امانت اولدیغی ومزبور خواجه سلیمان افندینك